



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetii, 1706

Litterarum Dimissorialium pro Ordine Sacro Form. III.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

Sacros Ordines promovere, eoque appellante ad Superiorem, committatur vici-
niori illius ordinatio: & hanc praxim ad
Clericum non Beneficiatum extendit Pas-
serin. in cap. cum nullus n. 138. in fin. de
tempor. ordin. in 6.

8. Sac. Congreg. Concilii in una Majori-
cen. Ordinationis, in qua quidam Clericus
degens in Urbe adversus denegatus Di-
missorias ab Ordinario recursum porrexe-
rat, ut Episcopus cogeretur ad illas trans-
mittendas, die 14. Januarii, & 4. Martii
1690. rescripsit, ledum.

9. Sac. Congreg. Episc. & Regul. recursui
Nicolai Resta laici Brundifini praesentati
ad Beneficium Jurispatronatus, adversus
Archiepiscopum, qui ad primam Clerica-
lem Tonsuram eum promovere recusa-
bat 31. Augusti 1691. rescripsit - *Ad Ar-
chiepiscopum, ut initiet Oratorem in casu de
quo agitur intra mensem, & quatenus non
initiauerit, initietur à quocumque servatis
servandis.*

10. Item eadem Sac. Congregatio in alia
Montis Falisci appellante Clerico Cande-
lori 26. Septembris 1696. & in Calagurita-
na recurrente Clerico Dominico Frexen-
da in Urbe commorantibus, adversus de-
negationem litterarum Dimissorialium
suorum Ordinariorum, recursus omnino,
& absolute rejecit.

11. Ex quibus resolutionibus (quicquid
dixerunt supracitati DD.) regula consti-
tui potest, quod quando agitur de aliquo

modo arctatis, Beneficio provisio, vel in
Sacrís constitutis, Dimissoriae absentibus
denegari non debent, si non adsit aliquod
canonicum impedimentum; & quatenus
Episcopus deneget, datur ad Superiore-
rem recursus, & tunc intrat doctrina
Tonduti.

12. Si verò agatur de his, qui ex devo-
tione, & ex mera libera voluntate, &
motivo cupiunt ordinari, & tunc nec
ordines conferre, nec Dimissorias con-
cedere Episcopus compellitur: quia *Con-
cil. Trident. sess. 21. cap. 2. de refor.* hos or-
dinari non deberi decernit, nisi Episcopus
assumendos esse pro utilitate Ecclesiae ju-
dicaverit: si ergo arbitrium, quod habet,
justè, & cum causa non interponat, Deum
solummodo Judicem habebit, Barbof. de
Offic. & pot. Episc. alleg. 4. n. 66. hancque
distinctionem veram esse, & servandam
tenet quoque Card. de Luc. de Benef. disc.
71. n. 3. & seqq.

13. Censeo tamen, quod Episcopi, qui
absentibus moribus, scientia, & virtute
præditis, quamvis non arctatis, neque
Beneficio provisio, Dimissorias denegant,
non sint laudandi, quia tunc irrationabi-
liter arbitrio abutuntur, quod semper
etiam liberò, & absolute concessum re-
gulari debet ad normam boni virti, ut di-
xit Rot. decis. 188. num. 31. par. 17. rec.
& quod propterea pro his justè illorum dis-
sensum Superior supplere possit, & arbi-
trium interponere.

Litterarum Dimissorialium pro Ordinibus Sacrīs.

F O R M U L A III.

N. Dei, & Apostolicæ Sedis gratia Episcopus N.

Tibi Dilecto Nobis in Christo N. de loco N. nostræ Diœcesis, legitimis na-
talibus procreato, in Acolitus Ordine, & ætate legitima vigintiduorum
inceptorum constituto, morumque probitate, & scientia ornato, in Ecclesia N.
Parochiali ex præscripto Sac. Concil. Trid. proclamato, ab Examinatoribus no-
stris deputatis idoneo reperto, & approbato, aliisque à jure requisitis prædicto,
nullaque censura Ecclesiastica, aut alio canonico impedimento (quod sciamus)
innodato, ut ab Illustrissimo, & Reverendissimo D. N. Episcopo N. in propria
Diœcesi Pontificalia exercente, Statutis à jure temporibus, ad Sacrum Subdiaconi-
natus Ordinem, ad titulum tui sufficientis Patrimonii, de quo legitimè in nostra
Curia

Curia constare fecisti (ad quem titulum te admittimus pro necessitate Ecclesia N.) promoveri possis, & valeas, attenta nostra absentia à Diœcesi, facultatem in Domino concedimus, & impertimur. In quorum &c. Datum &c.

N. Episcopus N.

Loco ✠ Sigilli.

N. Secretarius.

Litterarum Dimissorialium pro omnibus Ordinibus Sacris pro in Urbe, vel alibi commoranti.

F O R M U L A IV.

S U M M A R I U M.

¹ Dimissoria directe Eminentissimo Cardinali Vicario Urbis, expedientur sine clausula -- super quo conscientiam Ordinantis oneramus, & quare.

N. Dei, & Apostolicæ Sedis &c. Episcopus N.

Tibi Dilecto Nobis in Christo N. legitimis natalibus procreato, in Acolytatus Ordine, & ætate legitima viginti quatuor annorum completorum constituto, morumque probitate ornato, in Ecclesia Parochiali N. ex præscripto Sac. Concil. Trid. proclamato, nullaque censura Ecclesiastica, aut alio canonico impedimento innodato (quod sciamus) aliisque à jure requisitis prædicto, ut ab Eminentissimo, & Reverendissimo D. Cardinali N. Urbis Vicario, sive illius Illustrissimo, & Reverendissimo D. V. Gerenti in eadem Urbe, vel Diœcesi propria Pontificalia exercente, statutis à jure temporibus, ad Sacros Subdiaconatus, Diaconatus, & Presbyteratus Ordines debitum servatis interstitiis, aut illis non servatis, cum dispensatione tamen Apostolica, ad titulum tui sufficientis Patrimonii, de quo legitimè in nostra Curia constare fecisti (ad quem titulum Te admittimus pro utilitate nostræ Cathedralis) promoveri possis, & valeas, licentiam, & facultatem in Domino impertimur, & concedimus, dummodo tamen quoad litteraturam *idoneus*, & *babilis reperiari*s, cum Nos propter tuam absentiam à nostra Diœcesi, de ea cognoscere nequierimus. Volentes etiam, ut tu postquam fueris ordinatus præcipue in Ordine Presbyteratus, exhibere tenearis in nostra Cancellaria Testimoniales litteras tuæ Ordinationis infra mensem sub pena suspensionis ipso facto incurrienda, Nobis reservata. In quorum &c. Datum &c.

N. Episcopus N.

Loco ✠ Sigilli.

N. Cancellarius Episcopalis.

AD-